

洞
天
奧
旨

洞天奧旨卷之十一

出陰陳士鐸敬之雷號遠谷著 曾孫

會稽陶式玉道 雷號存齋評 玄孫增方溯泗校

風熱瘡

風熱瘡多生于四肢胸脇初起如疙瘡癢而難忍爬之少快多爬久搔未有不成就者甚則鮮血淋漓似疥非疥乃肺經內熱而外感風寒寒熱相激而皮毛受之故成此症也世人以防風通聖散治之亦有愈者然鐸更有治其外

而自愈紀之以便不願服藥之男婦也

三聖地膚湯 岐天師方

地膚子 一兩 防風 二錢 黃芩 三錢 煎湯一大碗加

豬膽二個取汁和藥同煎以鵝翎掃之即止癢癢

止面瘡亦盡愈

黃水瘡

黃水瘡又名滴膿瘡言其膿水流到之處即便生瘡故名之也此瘡生在皮毛之外不在肌肉之內雖是脾經濕熱亦由肺經乾燥脾來顧母本以濕氣潤母也誰知此濕有

熱熱得濕而生蟲欲救母而反害母之皮膚也治法內服
除濕清熱之藥而佐之涼血之味血涼而熱退熱退而水
更清亦易行也濕熱兩除何蟲不死又得外治以解其鬱
毒又何能長存乎故隨洗而隨愈也

安體散 岐天師方內治黃水瘡

茯苓 三錢 蒼朮 二錢 荆芥 二錢 防風 一錢

黃芩 一錢 當歸 五錢 蒲公英 二錢 半夏 一錢 水煎服

四劑

舒解丹 岐天師傳外治黃水瘡神效

雄黃 五錢 防風 五錢 荆芥 三錢 苦參 三錢 水煎湯

取二碗洗瘡即愈

粉黃膏 章雲樵傳治黃水瘡

蛤粉 一兩 石膏 五錢 輕粉 五錢 黃柏 五錢 共爲細

末暑天用無根水秋冬用麻油調敷

傷守瘡

傷守瘡者言不守禁忌也凡生瘡毒必須堅守房帷無論大小皆宜如此大瘡毒而不守禁忌必致喪亡小瘡毒而不守禁忌必至痛苦今名傷守者猶言小瘡痛也醫生錯

云傷手豈搔抓能害之乎凡犯色慾其瘡口必黑黯痛如
刀割腐爛必深非大補精血神氣萬難奏效內服加味補
中氣湯或加味十全大補湯以補之外用末藥敷之始可
轉危為安變死為生也

補中益氣加金銀花湯 祖傳治不慎色慾

人參 五錢 黃芪 一兩 柴胡 一錢 升麻 五分

生甘草 一錢 當歸 五錢 陳皮 五分 白朮 五錢

金銀花 一兩 加棗 二枚 水煎服如虛極者倍加

歸朮寒虛者加附子肉桂各一錢 餘不必加

加味十全大補湯 祖傳治傷守瘡

熟地 一兩 川芎 二錢 當歸 五錢 生黃芪 一兩

白朮 五錢 茯苓 二錢 甘草 一錢 肉桂 一錢

白芍 二錢 人參 二錢 金銀花 一兩 水煎服

救敗丹 岐天師傳外治傷守

人參 二錢 三七根末 三錢 孩兒茶 三錢 乳香 一錢

白僵蠶 二錢 輕粉 一錢 髮灰 二錢 各為細末 搽于膏

藥內貼之 若不用膏藥者 乾漆妙猪油調搽 亦妙

手足了毒瘡

手足了毒瘡雖生于手足名同而了宜辨也生于手足
屬手經生于足了者屬足經然手足亦宜辨也生于手足
之背了者是三陽經生于手足之掌了者是三陰經看其
何經而用何經之藥托裡調中更加引經之味則計日可
以奏效矣倘內既服藥而外復加敷藥以箍其毒則毒不
走散一出膿而即安尤治法之神也手足了毒近于丹穴
最宜早治萬勿因循至輕變爲重也

全消飲 岐天師傳治手足了毒瘡

當歸 三錢
生黃芪 三錢
紅花 二錢
生地 三錢

荆芥葉

一錢五分

貝母

一錢

茯苓

二錢

黃柏

二錢

地骨皮

三錢

菊花根

一把

水煎一碗急服數劑無不內

消若失治一至潰爛多費時日矣然肯服此方亦

不大潰

瘋毒神丹 岐天師傳外治手足了毒瘡

地榆 二錢

天花粉

一錢

菊花根

一把

生甘草

一錢

芙蓉

葉 十四葉

蒲公英鮮者

一把

將乾研末搗鮮藥取汁

調之敷上則毒不走開內自化矣

胎毒瘡

胎窻瘡乃初生小兒背上或有一二孔也此等小兒明是
臟腑不足少氣少血以長皮肉也倘雖有孔窻而肉膜遮
護猶有生機急用氣血竣補湯大劑與母吞服兒食其乳
尚有生機再嚼人參三七之片數分填于孔窻之內則氣
血壯旺生皮亦速也苟孔窻之中無有脂膜洞見臟腑數
日卽死救之亦無益也總補母之氣血一時填隙而兒之
先天大缺僅可延數年之日月不能享百歲之光陰也

氣血竣補湯 治兒生胎窻瘡

黃芪 一兩
當歸 一兩
白朮 五錢
川芎 五錢

紅花 五分

益母草

一錢

水煎服二十劑至月餘後可

服補中益氣湯數十劑

濕毒瘡

濕毒之瘡多生于兩足非在足脛卽在足踝非在足背卽在足跟其故何也蓋濕從下受而兩足親于地故先受之也夫水濕之氣寒冷者多而一入人身之內則人氣熏蒸必變爲熱濕熱相合內必生蟲故初起之時微癢者正蟲之作祟非止氣血之不和也治之法必須去濕爲主而少加殺蟲之味則愈病甚速轉不必解其熱也蓋濕解而熱

自散况生瘡既久流膿流水氣血必虛安在熱存乎此除濕之所以神也

除濕解毒湯 祖傳治濕毒足瘡

白朮 五錢 山藥 五錢 薏仁 五錢 金銀花 兩

肉桂 三分 澤瀉 二錢 烏柏根 一把 水煎服十劑自

愈如未愈者再用龍馬丹傳之妙

龍馬丹 岐天師傳統治濕毒瘡

馬齒莧 二錢 黃柏 五錢 陳年石灰 二錢 輕粉 一錢

地龍糞 三錢 伏龍肝 二錢 黃丹 三錢 赤石脂 三錢 各為細

未審調敷之一二次即愈

火丹瘡 附赤白遊風

火丹瘡遍身俱現紅紫與發斑相同然斑隨現隨消不若
火丹一身盡紅且生瘡也發斑熱鬱于內而發于外火丹
熱鬱于外而趨于內發于外者有日散之機趨于內者有
日深之勢故發斑輕而火丹重然而火丹有二種一赤火
丹一白火丹也赤色皮乾白色皮濕似乎各異而熱鬱于
皮毛之外由外而入內則赤白無異也大約赤者純是肺
經之火熱若色帶白乃是脾經之火熱也故赤者竟解肺

經之熱補水之不足以散火之有餘此消丹飲之爲妙也
白者解脾經之熱利水濕之氣從膀胱而下走不必又去
外逐皮毛蓋濕氣之盛在脾而不在肺耳此桑白分解散
之所以妙也更有一種赤白遊風往來不定小兒最多此
症有似發斑但發斑有一定之根而赤白遊風無一定之
色此胃火鬱熱不解故亦結瘡而不愈治之法必須清熱
而清熱又必須涼血蓋血寒則凝滯不行雖火得血而可
止終不能散火此清火消丹所以妙也三症分而治之自
有奇驗正不可混耳

消丹飲 岐天師傳治紅紫火丹

玄參 三兩 升麻 二錢 麥冬 一兩 桔梗 二錢

生甘草 一錢 水煎服一劑丹化為無矣小兒減藥之

半

桑白分解毒 伯高太師傳治白火丹

薏仁 二兩 澤瀉 三錢 升麻 一錢 天花粉 三錢

桑白皮 三錢 神麴 三錢 水煎服小兒減藥之半

清火消丹湯 岐天師傳治赤白遊風丹

生地 一兩 丹皮 三錢 甘草 一錢 玄參 三錢

牛膝 二錢 赤芍 三錢 天花粉 一錢 水煎服二劑消半

四劑全消小兒減半赤遊丹又可外治用積年胞

衣所化之水和金汁塗之即消神效

經驗方 外治小兒丹毒皮膚熱赤

寒水石 五錢 白土 一分 爲末米醋調塗之

內丹

內丹者生赤色于皮毛之內而外不十分顯出也點燈照之若用紗裹硃砂而透明故以內丹呼之此等之丹得子胎熱其母受胎之後不思熱物信口貪食或感夏天風熱

或好色浪戰皆能助火火邪內攻胎受其毒而傳氣于小兒乃發爲丹毒也此火欲出而不得遽出隱隱外突于皮毛倘發于腰臍而作痛或大小便閉結不通皆死症也若生于淵液京門等穴或左或右尚非死症以熱在膽經而不在腎經也方用荆芥祛風湯實可救治然救之亦必須早蓋內丹不早治亦必死耳

荆芥祛風湯 伯高太師傳治內丹

荆芥 二錢 甘草 一錢 半夏 五分 麥冬 五錢

當歸 三錢 白芍 三錢 水煎服數劑愈

散丹湯 岐天師傳治火丹

當歸 三錢 生甘草 一錢 赤芍藥 三錢 大黃 一錢

丹皮 二錢 柴胡 八分 黃芩 一錢 水煎服二劑愈

飛竈丹

小兒丹毒有十種一飛竈二吉竈三鬼火四天火五天竈
六水激七胡次八野火九烟火十胡漏也皆父母胎毒所
成治症必須辨明不可混治丹症原是難治之病况又辨
之不明妄用藥餌安得十全且各丹不依症早治攻入腸
胃十無一生可不慎乎飛竈丹者從頭頂上紅腫起此火

毒在泥丸也本是難救然急用葱白搗自然汁調白芨炒黃栢塗之即消又不可不知也

芨栢散

白芨 三錢 黃栢 三錢 炒各為細末急用葱白搗爛

取自然汁塗在泥丸頂上一晝夜即消

吉甯丹

吉甯丹從頭上向腦後紅腫者是亦有腫而作疼者尤為可畏是足太陽膀胱風熱故作痛也更有渾身作熱者內宜服防風通聖散加減治之外宜用紫荊散調搽自愈

單法
方心
可修
角

防風通聖散 世傳方

防風 荆芥 連翹 麻黃

薄荷 川芎 當歸 白芍

白木 山梔子 大黃 芒硝

黃芩 石膏 桔梗 甘草

滑石 等分 水煎服

紫劑散

紫劑皮 一錢 赤小豆 一錢 荆芥 一錢 地榆 一錢 各等分

為細末以雞子清調塗神效

鬼火丹

鬼火丹先面上赤腫後漸漸由頭而下至身亦赤腫也是手足陽明經內風熱治宜用白虎湯以瀉胃熱加防風荆芥薄荷桑白皮葛根以散其風引其從皮毛而外散也然大腸亦熱何故不瀉大腸之火不知胃之火甚于大腸胃火散而大腸火亦散不必又治之也但外用伏龍散末以雞子清調搽尤妙

白虎加味湯 世傳方內治鬼火丹

石膏 二錢 知母 一錢 麥冬 三錢 半夏 一錢

防風 五分 荆芥 二錢 薄荷 一錢 甘草 一錢

桑白皮 二錢 葛根 一錢 竹葉三十片水煎服二劑

伏龍散 家傳外治鬼火丹

伏龍肝末 三錢 炒黃栢 三錢 爲末雞子清調搽神效

天火丹

天火丹從脊背先起赤點後則漸漸赤腫成一片是腎督脈中熱毒兼足太陽經風熱宜治腎而并治膀胱爲是不可純用防風通聖也外用桑榆散外敷則得之矣

解苦散 岐天師傳內治天火丹

玄參

五錢

生地

五錢

羌活

一錢

黃柏

二錢

白茯苓

三錢

升麻

五分

丹皮

三錢

水煎服四劑自散

桑榆散

家傳外治天火丹

地榆

二錢

桑白皮

二錢

羌活

一錢

玄參

三錢

各為細

末羊脂溶化調塗

天竈丹

天竈丹從兩臂起赤腫少黃色或止一臂見之皆手陽明

經風熱內服解毒之藥外用柳枝燒灰為末水調塗之亦

易愈也蓋天竈丹乃丹毒之最輕者故亦可輕治之耳

輕解散 岐天師傳內治天竈丹

防風 五分 麥冬 三錢 生地 三錢 桑白皮 二錢

黃芩 一錢 柴胡 八分 白芍 三錢 天花粉 五分 水煎服

二劑

柳灰散 家傳外治天竈丹

柳枝燒灰 五錢 荆芥炒末 二錢 滑石 三錢

生甘草 二錢 爲末水調塗之即愈

水激丹

水激丹初生于兩脇虛腫紅熱乃足少陽膽經風火也此

洞天奧旨 卷之十一 水激丹 主 木惟老

丹亦熱之輕者治臆經之火而去其風可計日而痊也方
用加味小柴胡湯治之最神外更以敷藥塗搽又何患乎

加味小柴胡湯

柴胡 一錢 半夏 五分 甘草 五分 黃芩 一錢

陳皮 三分 白芍 二錢 防風 五分 荆芥 一錢 水煎服

數劑丹消

缺屑散

生缺屑 二錢 母豬糞燒灰 二錢 和蠟水調塗妙

胡次丹

胡次丹先從臍上起黃腫是任經濕熱也去其濕熱而丹毒自散古人用三黃解毒湯未免過峻恐小兒氣虛難受擇受異人之傳另用化濕飲方治之尤覺安穩更用檳榔外治萬無一失也

化濕飲 岐天師傳內治胡次丹

白朮 十個 白朮 一錢 黃柏 二錢 山藥 二錢

茯苓 三錢 澤瀉 一錢 木通 一錢 赤芍 二錢

荆芥 一錢 天花粉 一錢 水煎服

檳榔散

檳榔為末二錢生甘草一錢米醋調搽自愈

野火丹

野火丹從兩腿上起赤腫痛甚如火之燒乃足陽明胃經風熱也內服涼膈散加減外以羊脂調末藥塗搽自易愈也此丹雖火盛極不可信是胃經熱熾竟用石膏湯與瀉黃散也恐小兒脾胃久實不禁大瀉反恐胃氣損傷轉難救耳

涼膈散 世傳內治野火丹

連翹二錢 大黃一錢 芒硝五分 甘草一錢

破肉可割氣可針其實三種俱宜內消不宜外治惟癰則
可外治也然亦有宜有不宜者大約粉癰宜用外治蓋粉
癰大而必軟久則加大似乎有膿而非膿也乃是粉漿藏
于其內擠出宛如線香焚後之滓又受水濕之狀如已破
矣必擠淨後用生肌藥搽之不再生否則仍復長也初生
此癰必須治之如不治日必大甚亦被其累當用艾灸十
數壯卽以醋磨雄黃塗紙上剪如螺螄蓋大貼灸處外用
膏藥貼一二日一換擠出其膿必愈妙法也

消癭散 岐天師傳統治各癭

海藻

一錢

龍膽草

一錢

昆布

五分

土抓根

二錢

半夏

一錢

小麥麩

一撮

甘草

一錢

乾薑

五分

附子

一片

水煎十劑必散

化癭丹

仲景夫子傳治諸癭

海藻

三錢

桔梗

三錢

生甘草

一錢

陳皮

一錢

半夏

三錢

茯苓

五錢

水煎服

筋癆骨痛石瘰

筋癆者乃筋結成于體上也初起之時必然細小按之乃筋也筋畜馬屈久成瘰而漸大矣然雖漸大亦不甚大

也固是筋癰亦無大害竟可以不治置之若至大時妄用
刀鍼往往傷筋反至死亡故筋癰忌割也必要割去亦宜
于初生之日以芫花煮細如線繫之日久自落因線繫而
筋不能長大或可用利刀割斷輒用止血生肌之藥敷之
可慶安全倘初生根大難用線繫萬不可輕試利刀割斷
也至于竹籬石癰亦生皮膚之上按之如有一骨生于其
中或如石之堅按之不疼者是也皆不可外治或用陷腫
散內治則可

陷腫散 千金方岐天師加減治骨癰石癰

烏翅魚骨一錢 白石英二分 石硫黃二分 鍾乳三分 紫石二分

乾薑一錢 升參八分 琥珀末一錢 大黃一錢

附子三分 朝燕尿一錢 石礬一錢 水煎服十劑全消

消痛丹 仲景公傳可消諸癌

白木三兩 茯苓十兩 人參三兩 陳皮三錢

生甘草一兩 薏仁五兩 芡實五兩 澤瀉五兩

半夏五兩 各為末米飯為丸常服自消

氣瘕

瘕何名之曰氣蓋有時小有時大乃隨氣之消長也斷宜

內散不宜外治既隨氣消長亦可隨氣治之其症不痛不紅皮色與癰處同也其發則軟而不硬氣旺則小氣衰反大氣舒則寬氣鬱則急故治法必須補其正氣開其鬱氣則氣癰自散矣古人有用枳殼扣其外以艾火在外灸之似亦近理然終非妙法也不若純用補氣之味而佐之開鬱散滯之品卽不全消亦必不添增其次也

沉香化氣丸 岐天師傳治氣癰

沉香 一兩 木香 二兩 白芍 四兩 白木 八兩

人參 二兩 黃芪 八兩 枳殼 一兩 檳榔 一兩

茯苓 二兩 香附 二兩 附子 五錢 天花粉 四兩 各為細

末蜜為丸每日服三錢一料全消

外治 仲景張公密傳統治各癰神效但不可治日

久之癰也小癰根細最效

水銀 一錢 兒茶 二錢 共研至無星為度加入冰片

二分 再加入麝香 五厘 再研又入硼砂 五厘 再研

不見水銀始可用此藥敷于癰處肉癰血癰粉癰

氣癰俱化為水約三日必消盡然後服消癰丹每

用一兩 滾水吞服不拘時如筋骨之癰內外二法

俱不必用蓋二瘡無害于人不必治亦不必治也

血瘤贅

血瘤而贅生于皮外者乃臟腑之血瘀而又有濕氣入于血中故生于外也初生之時亦有細于髮者久之而大矣小者如膽大者如茄以利刃割斷卽用銀烙匙燒紅一烙卽止血且不潰不再生也否則復出血瘤一月如舊鐸于腋中曾生此瘡甚小如細指也偶爾發癢友人給生八角虱余心疑而更癢自思虱遇水銀則死而書齋之中無水銀也曾爲人治下疳方中用水銀乃取而擦腋下甚重至

痛而止夜臥則忘其痛矣早起見蕭上有血筋一條取觀之乃腋下所生血瘤已墮落矣余嚙之不能斷始知前方能去瘤也因商酌載之治初起之瘤頗多驗

銀銹散 家傳治初起血瘤

水銀 一錢
冰片 三分
輕粉 一錢
兒茶 三錢

黃柏 一錢
朝腦 一錢
鏡銹 一錢
貝母 一錢
各爲末

搽擦卽墮落

肉瘤贅

肉瘤乃于皮上生一瘤宛如肉也初生如桃如栗漸漸加

大如拳其根皆濶大非若血瘤之根細小也不疼不癢不紅不潰不軟不硬不冷不熱其形可醜而病則不苦也此等之瘤皆犯神道之忌故生于四體以紀罪愆不妨順受倘必欲治之用刀割傷用火燒灸不特無功轉添痛楚矣

內托外消散 治肉瘤血瘤粉瘤 張仲景真人傳

蓋濕熱生耳

水銀 一兩 兒茶 二兩 共研至無星爲度 冰片 一錢

輕粉 三錢 麝香 五分 又入硼砂 五分 不見水銀始

可用以此藥敷于瘤處肉瘤粉瘤俱化爲水約三

日必清盡然後再服湯藥用人參 二錢 白朮 三錢

茯苓 三錢 陳皮 五分 生甘草 五分 柴胡 八分 白芍

三錢 水煎服十劑未斷根矣如筋痛難治然亦不

必治也骨痛亦不必治終身大如杏也

治肉瘤或男婦生在面上頸上手上即可去之

白芷 五分 人參 五分 煎湯生半夏 十粒 泡于白芷

人參之內數日將半夏切平頻擦患處效如手取

但不可治痰血之瘤也恐難收口錢又選傳

洞天奧旨卷之十一終

洞天奧旨卷之十二

山陰陳士鏗敬之請號遠公著 一 曾孫

會稽陶式玉尚自號存齋 一 孫增方淵洞校

走馬牙疳

走馬牙疳小兒之病也小兒多食肥甘腸胃難化積而不散其次上炎且小兒又是純陽原多火也火多必瀆水解小兒食既不化何生水平水既不生則胃火益熾齒牙又胃之部位也故火結而成疳矣牙已生疳而兒又索食所

喜者必水菓居多本欲得水菓以解渴也誰知胃已有熱
又加水濕則濕熱相合而疰病更重矣走馬牙疳者言其
勢如走馬之急也火重則急火輕則緩若不早治則火燥
津液牙斷僣斷齒多脫落而死者有矣治之得法往往有
響應者大約內服清胃之藥外用白綠丹無不神效也

清胃消疳湯 岐天師傳內治走馬牙疳

石膏 一錢 人參 三分 蘆薈 一錢 黃柏 五分

茯苓 一錢 炙甘草 三分 生地 一錢 天花粉 一錢 水煎服

數劑必輕

白綠丹 外治走馬牙疳

人中白

一錢

銅綠

三分

麝香

一分

蚯蚓

二條

葱白汁浸火炙為末各為細末傳之立愈

口疳

口生疳瘡皮破涎流重者每每血出甚而唇吻腮頰俱爛此乃胃中有熱又食生冷水菓重添其濕濕熱相兼因其生疳而至爛內生細蟲以蝕皮蝕肉也夫胃中濕熱何上發于口蓋口乃脾之竅也胃本無竅而脾乃胃之妻也况脾胃為表裡脾之竅即胃之竅也而胃之經絡又左右而

繞唇口且熱乃火也火性上炎濕借火而上沸故口上應之也治法內服瀉胃之熱導脾之濕外用欖核散搽之可計日而愈矣

瀉導湯 治口生疔瘡

石膏 一錢
茯苓 二錢
滑石 二錢
澤瀉 一錢
五分

甘草 五分
黃柏 一錢
貝母 一錢
水煎服小兒減半

二劑卽用擦藥

欖核散 外治口瘡

欖核乾 一錢
兒茶 一錢
冰片 五厘
白微 三分

生甘草分三百部各爲細末日日搽之每日搽五

次數日卽愈

鼻疳

鼻內生瘡癢時難忍欲嚏而不能欲忍而不得言語糊塗
聲音閉塞此鼻疳也夫鼻之竅乃肺之竅也肺病而氣難
宣則鼻乃生瘡矣故鼻疳雖是鼻之病其實肺之病也夫
肺病宜肺內生癰乃不生于肺中而生于鼻之內者以熱
而兼濕也熱乃火也濕乃水也水能制火故火在肺而不
致生癰火炎于鼻而水不能上升鼻之竅細小然不能散

火也故成疔而不成癰矣雖不成癰而疔之毒亦不易化去其濕熱則水下行而火上散然後以外藥吹之則氣通而毒消矣

化散湯 岐天師傳內治鼻疔

青黛 二錢 桔梗 二錢 白芷 八分 百部 一錢

茯苓 三錢 木通 一錢 黃芩 二錢 天冬 三錢

玄參 二錢 甘草 一錢 辛夷 五分 水煎服四劑

通氣丹 家傳外治鼻疔

皂莢 三錢 燕葉 一錢 雄黃 一錢 輕粉 五分

冰片 一分
錫臍烟 五分
細辛 三分
各研爲細末吹入

鼻孔中日三次數日卽愈

綠白散 外治鼻疳且治腎疳頭瘡耳瘡俱效

石綠 一錢
白芷 一錢
黃栢 一錢
爲末先以甘草水

洗瘡試淨敷之一日卽愈

喉疳

喉疳之瘡卽雙蛾之症也有陰有陽陰乃少陰之君火陽乃少陽之相火也二症最急若不早治一二日間死生係之輕緩而重急也陰火症用八味地黃湯神效陽火症內

服解火之劑外用吹藥亦效應如响總不可緩治之也

八味地黃湯 仲景張真君方治陰症喉疳

熟地 一兩 山藥 四錢 山茱萸 四錢 茯苓 二錢

丹皮 二錢 澤瀉 二錢 附子 一錢 肉桂 一錢 水煎一

碗探冷服一連數劑全愈

牛黃至寶丹 岐天師傳治陽火喉疳

牛黃 一分 膽礬 二分 皂角末 一分 麝香 三厘

冰片 一分 兒茶 五分 百草霜 一錢 共為末和勻吹入

喉中 五厘 必大吐痰而愈後用煎劑救喉湯

救急湯 岐天師傳治陰陽二火喉疔

青黛 二錢 山豆根 二錢 玄參 五錢 麥冬 五錢

甘草 一錢 天花粉 三錢 生地 五錢 水煎服數劑不再

發

耳腫疔

耳腫疔者多生于耳邊或耳之下也此疔小兒生俱多然足陽明胃經無濕熱與足少陽膽經無鬱氣則不生此疔也然此乃小瘡耳不必內治倘其瘡大而腫不止者必宜內治為佳內治之法瀉胃與小腸之濕熱而外用末藥調

擦斷不久延世設或磨蝕不大是濕熱不熾何必用內治之法哉

龍化丹 岐天師傳治月蝕疔

黃丹 一錢 赤枯礬 一錢 蚯蚓糞 三錢 冰片 一分

輕粉 三分 烟膠 一錢 爐甘石 一錢 各為末研細用香

油調搽數日即愈

粉灰散 岐天師傳治小兒耳爛生瘡

輕粉 一錢 棗子 燒灰 一錢 蚯蚓糞 火焙乾 五錢

生甘草 五分 各研末油調搽即愈

鑱指疔

疔瘡生于手足最不易治以十二經丹穴多起于手足也
井穴既有十二經之分則疔生于少商宜治肺生于少衝
宜治心生于大敦宜治隱白生于湧泉宜治腎矣生于中
衝宜治心包絡生于商陽宜治大腸生于少澤宜治小腸
生于竅陰宜治膽生于厲兌宜治胃生于至陰宜治膀胱
生于關衝宜治三焦矣然而手足者四肢也四肢屬脾之
部位故疔雖生于十二經之井邊而治法斷不可單治井
經也蓋疔之生也本于脾臟之濕熱也濕熱善癢諸物長

夏正濕熱盛之時也不見萬物之俱腐乎故治法必須治
脾之濕熱爲主治脾而胃亦不可置之也脾胃表裡治則
同治耳或見疔生于井穴少分各井而佐之何井之藥尤
治之神也

加味五苓散 祖傳治手足皸指疔

白木 二錢 蒼木 二錢 金銀花 五錢 猪苓 一錢

澤瀉 一錢 肉桂 二分 龍膽草 二錢 茯苓 三錢

天花粉 三錢 水煎服四劑後以外治治之

六星丹 岐天師傳外治皸指疔神效

兒茶 五錢 雄黃 一錢 冰片 二分 輕粉 三分

滑石 二錢 血竭 五分 各為絕細末先以炙甘草 三錢

苦參 五錢 煎湯洗之後搽之

袖手疔

袖手疔者生龜頭之頸上皮包于內而外不顯也凡龜頭生疔瘡多是淫毒所感因嫖妓而得也然而因嫖而生者不止生于龜之頸今止生于龜頭而外又皮裂之乃腫于皮肉之內也非淫毒實熱瘡也內用瀉火祛毒之藥數劑然後以外藥小浸之自必收功

暗治飲 治袖手疔

黃栢 三錢 茯苓 五錢 蒲公英 三錢 柴胡 一錢

白芍 五錢 生甘草 一錢 龍膽草 一錢 菘菹草 二錢 水煎服

服數劑

外護丹

豬膽 二個取汁 龍膽草 三錢煎汁 蚯蚓 五條搗爛

用二汁淋洗去蚯蚓加入冰片末 三分 入雞蛋殼

內套在龜頭上浸之漸愈

燥疔

腺疔生于玉莖之上亦楊梅之先兆也然梅瘡甚多得
 之于妓女龍陽之子倘未交二種止于妻妾之中得之此
 自己本有濕熱或加惱怒而強暴動淫亦能生瘡瘡名腺
 疔以肝性主腺故疔亦以腺名之也內用平肝之劑外用
 六星丹搽之無不痊也

化淫消毒湯

白芍 一兩 當歸 五錢 炒梔子 三錢 蒼朮 三錢

生甘草 一錢 金銀花 一兩 青黛 三錢 生地 三錢

土茯苓 五錢 水煎服四劑愈

陰疔

陰疔者生瘡于陰戶之內也時痛時癢往往有不可忍之狀其氣腥臊作臭無物可以解癢倘愈交接則愈痛矣最可憐之症也此瘡多因于慾火之動而又有濕感之火炎水流兩相牽制閉而閉結乃化而生瘡久則生蟲也此蟲雖生于陰戶然實化于肝腎或思男子而不可得火以成之也或交男子而感其精毒以長之也總無濕不生蟲亦無濕不生瘡也當細察其由來治之內治之後仍以外治同施鮮不卽痊矣

加味逍遙散 家傳方內治陰疔

柴胡 二錢 白朮 五錢 茯苓 三錢 甘草 一錢

白芍 五錢 陳皮 一錢 當歸 二錢 炒梔子 三錢

荆芥 一錢 防風 五分 龍膽草 二錢 天花粉 二錢

玄參 五錢 水煎服八劑

桃仁散 岐天師方外治陰疔

桃仁 二十一粒 雄黃末 二錢 白微末 二錢 炙甘草 五分 各研

細末蘸雞肝內納陰戶中日三易之先用針刺雞

肝無奴孔納之

妬精疔

妬精疔乃生于玉莖亦臊疔袖手疔之類也人生最妬而精亦妬精妬症有二種一妬不潔之精一妬太潔之精也不潔之精必有毒氣太潔之精必有火氣故玉莖不交敗精之陰戶斷不生疔陰戶蓄精尚未流出一旦重接鮮不生瘡矣此等之疔其症尚輕外用五根湯洗之再用首經散搽抹則愈矣不必又用敗毒湯劑而內治之也

首經散 岐天師傳治妬精疔瘡并治諸疔

室女首經抹布燒灰加輕粉 二分 冰片 一分 各研

細末搽之立效

無辜疔傷瘡

無辜疔瘡乃鳥糞或羽毛從天下降于人身感而生疔瘡也蓋各鳥所食多是蛇蝎蜈蚣之類其糞最毒而羽毛亦未嘗不毒也小兒不知其故或逢落或見糞墮羽毛可珍手搗口啣其毒因之而入于臟腑久則發出于皮膚乃生瘡生疔矣或生于腦後或生于項邊結核如彈丸推之則動軟而不疼歲久失治羸瘦壯熱便膿便血頭骨縫開肢體生瘡而潰爛失治法亦須消毒爲主小兒得此尤宜早治

消毒湯 岐天師傳方治無辜疔瘡

天花粉 一錢 貝母 一錢 薔薇根 三錢 杏仁 十四粒

桔梗 一錢 黃礬 五分 白蒺藜 一錢 烏梅 一個

檳榔 五分 烏柏根 二錢 白芍 二錢 人參 五分 水煎服

十劑可消大人倍之

涇尻瘡

涇尻瘡生于新生之兒或在頤下項邊或在頰肢窩內或在兩腿丫中皆濕熱之氣涇爛而成瘡也夫小兒新生何遠多濕熱雖遺尿小便未易即乾然下身或多潮氣不宜

上身而亦沾染也蓋因乳母纏縛手足看顧不到適逢天氣炎熱蒸裹太甚因而溼爛身中本無濕熱何必又治濕熱之多事乎將伏龍肝一味不拘多少搗極細末佐之滑石末少許不可太多滲在患處用紙革之即愈

龍石散 治溼尻瘡

伏龍肝不拘多少爲細末滑石少許各爲極細末和勻滲在瘡上外用草紙革之數日即愈

落臍瘡

落臍瘡乃小兒之症也小兒自落臍帶之後何便生瘡矣

臍人之命根也此處生瘡多變風症風症一成命根將絕
 去生便遠可不亟治之乎不知臍落生瘡亦感染水濕而
 成之也必因乳母失于照管落臍之時臍汁未乾或加濕
 以傷之或洗浴而不加拭揩遂致濕以加濕而瘡口遂至
 于不合也治宜去濕為主而少加生肌之藥則臍復完固
 無濕而瘡自愈也

去濕生肌散 岐天師傳方治落臍後生瘡

茯苓 一錢
 貝母 五分
 枯礬 三分
 草紙灰 五分

雄黃 二分
 三七 三分
 共為末入在臍內用紙包之

即愈

臍漏瘡

臍中生瘡時時流膿血名臍漏瘡皆不慎慾縱色或因氣
惱而故借房憊以怡情消忿遂至生瘡成漏也若但治漏
瘡而不絕慾戒氣斷有死亡之禍必須內治爲佳縱色者
用補中益氣加熟地山藥以治之動怒者亦用前方加白
芍當歸丹皮熟地以治外更用艾灸臍上加生肌散填滿
臍口一日一換始可奏功也

加味補中益氣湯 祖傳方內治臍漏瘡

人參 三錢 黃芪 五錢 白朮 一兩 當歸 三錢

柴胡 八分 升麻 四分 生甘草 一錢 陳皮 一錢

金銀花 兩 水煎服 縱包者加熟地 一兩 山菜 莢 四錢

動怒者加白芍藥 一兩 當歸 二錢 丹皮 三錢 熟地 五錢

生肌散 外治臍漏瘡 方載後卷

金刃瘡 自刎

金刃瘡乃刀傷之瘡也誤傷者心不動而失血其症輕自刎者心大動而失血其症重或自割其皮自切其肉倘無

激忿而傷之其症偕在輕重之間惟涕泣而勿頭鬱怒而斷指其症皆重也蓋破傷血失則止有一線之氣相養使五臟平和尚可補氣以生血活血以生肌也苟或求死不得而傷心更甚補氣必至添噎活血必至開裂安能服藥以收功乎必須勸其解怒以平肝消愁以養脾寬懷以安心然後用補氣補血之藥而佐之止痛生肌之味始可奏效否則瘡不能愈而命不可奪也

加味補血湯 祖傳治金刃自傷將死者俱可救若傷輕者減半救之

生黃芪 一兩至二兩 當歸 五錢至一兩 三七末 五錢

沒藥末 二錢 白芨 三錢至一兩 白芍 五錢 水煎服數

劑斷無性命之憂

完膚丹 岐天師傳外治金刃傷血出最神效

三七末 一兩 乳香末 二錢 陳年石灰 一兩 血竭 三錢

婦人禪襠末 一錢 人參 二錢 各為細末 滲上即止血生

肌如金瘡作痛先用牛膝搗敷立止梅師方也

火燒瘡

火燒瘡遍身燒如黑色者難救或燒輕而不至身黑者

可療也然而皮焦肉捲疼痛難熬有百計千方用之而不
驗者以火毒內攻而治之不得法也故治火燒之症必須
內外同治則火毒易解也

救焚湯 岐天師傳內治火燒瘡

當歸 五錢
丹皮 三錢
生地 五錢
甘草 二錢

苦參 二錢
生蘿蔔 一大個
槐花 三錢
黃連 一錢
同煎服

服數劑外以末藥敷抹自愈

六仙散 岐天師傳外治火燒如神

黃葵 化 七
化 兩
為末
大黃 兩
滑石 兩
劉寄奴 三錢

井中口錢身絲瓜葉廿片曬以蜜調敷不痛且

易生合又不爛也神效平日修合臨時恐不能成

湯盪瘡

湯盪瘡乃百沸湯滾熱油與滾粥等物忽然猝傷因而遭
害遂至一時皮漏內爛成瘡也此等之瘡正所謂意外之
變非氣血內損也輕則害在皮膚重則害在肌肉尤甚者
害在臟腑害在臟腑者多至殺人然內治得法亦可救也
內用托藥則火毒不愁內攻外以蚌津散汁敷掃之即應
驗如响如燬赤潰爛用歸蟻膏拔毒止痛尤易生肌

祛火外消湯 岐天師傳外治湯盪油燒等症神驗

地榆 五錢 白芨 三錢 栝葉 三錢 炒梔子 二錢

白芍 五錢 當歸 五錢 生甘草 一錢 水煎服二劑傷輕

者藥減半

蚌津散 外治湯盪油炮等症 方載後

二黃散 傳世方

大黃 炒 黃柏 炒 各為細末以雞子清調之搽上最

妙衛生寶鑑用苦參末香油調敷亦效

毛粉散 穆中淳傳治湯火傷神效

猪毛性平研細末加輕粉白礬砂少許麻油調和
敷之立效無斑痕

歸蠟膏 治湯火傷瘡焮赤潰爛用此生肌拔熱止痛

當歸 一兩 黃蠟 一兩 麻油 四兩 以油煎當歸焦黃去滓

納蠟攪成膏出火毒攤貼最效出和劑局方

又方

王不留行焙乾為末麻油調敷或絲瓜葉為末如

前調亦妙

含腮瘡

含腮瘡生于兩頰之上大人小兒皆有之此瘡初生時如米痘大一小瘡也日久漸大蝕破腮頰故以含腮名之皆好食肥甘以至成毒而生瘡也必須早早治之不可因循時日日久破透腮頰反難治療先以鹽湯時時漱口次用二金散敷搽即可愈也

二金散 世傳方外治含腮瘡最效

雞內金 一錢 鬱金 一錢 各爲末先用鹽湯漱淨次用

藥上之數次即效

皴裂瘡

皴裂瘡皆管工手藝之輩赤手空拳犯風弄水而成者也
不止行船推車打魚染匠始生此瘡皮破者痛猶輕紋裂
者疼必甚論理亦可內治然而辛苦勤勞之人氣血未有
不旺者亦無藉于內治或帶疾病而勉強行工者即宜內
治又恐無力買藥不若外治之便矣先用地骨皮白礬煎
湯洗之至軟次用蠟羊油煉熟入輕粉一錢搽之為神

八珍湯加減 內治皴裂瘡

當歸 二錢
芍藥 三錢
生甘草 一錢
茯苓 二錢

白木 一錢
熟地 三錢
川芎 八分
薏仁 三錢
水煎服

數劑可止

皮礬散 外治皴裂瘡

地骨皮 五錢
白礬 三錢
煎湯洗之至軟後用蠟羊油

熬熟入輕粉 一錢
一兩 研為末調勻搽之即愈

漆瘡

漆瘡者間生漆之氣而生瘡也蓋漆之氣本無大毒以漆能收濕人之肺經偶有微濕而漆氣侵之則肺氣歛藏不敢內潤于皮而漆之氣欺肺氣之怯反入于人身彼此

相格而皮膚腫起發癢矣癢必至于抓搔抓搔重而發疼
不啻如火之制膚而燥裂也倘用漆之時用蜀椒研末塗
諸鼻孔雖近于漆器亦不生瘡無如世人之懶用也如一
時開漆之氣卽用薄荷柳葉白礬煎湯飲之亦不生瘡卽
既已生瘡以此三味洗之三五遍亦愈矣若猶不愈以蜩
黃搽之內服芝麻油一二碗無不妥也

千金方 治漆瘡作癢

苦楝 五錢 煎湯遍癢處塗之卽止

又方 治漆瘡作癢